

docsriver 文川网
入驻商家 古籍书城

在文川网搜索古籍书城 获取更多电子书

docsjer文川网
入驻商家
在文川网搜索古籍书城 获取更多电子书

中國方志叢書·華南地方·第二三五號


據

民國·王維樑修，廖立元纂
民國三十一年鉛印本

影印

福建省

明溪縣志



sk 78604

成文出版社有限公司印行



10098572

中華民國六十四年六月臺一版

明溪縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

明溪縣志卷十

建置志目錄

城池

衙署

街道

墟市

橋亭

驛郵

廟祠

坊表

水利

倉廩

明溪縣志卷十 建置志目錄

docsriver 文川网
入驻商家 古籍书城

在文川网搜索古籍书城 获取更多电子书

docsriver.com商家古籍书城

明溪縣志卷十

建置志

自古體國經野而爲久遠之謀其規模務宏設置務備首城池重設險也次衙署勸聽政也次街市橋亭驛郵利交通也至於祠廟坊表水利倉廩陶冶或關崇德報功或備民生利用皆在所必書而不容湮沒者作建置志

城池

縣治設於明成化六年初無城池民夾澗而居宏治六年巡按陸君完奏准勘築本府太守吳文度指揮劉廣邑令姜鳳相度經營適地方多故未果行正德九年邑令楊縉請諸當道始興工營築城週圍七百六十餘丈高一丈三尺厚七尺南北建二水關溪從中出敵樓三城門四東曰東樂西曰西清南曰南安北曰北泰窩舖二十四座堞眼一千六百有奇嘉靖

三十七年沙尤盜起邑宰楊一昂增崇五尺三十九年流寇薄城邑令章宗寶築四門月城浚月池萬歷二十八年北關燬邑令陳文耀重建後南北兩關均圯邑令周憲章重修崇禎五年廣寇逼近邑令楊起鰲建東西兩敵台後南關復圯亦繕繕治完國崇禎末年山寇竊發邑令吳國斗將城重修周圍加高二尺康熙十三年閩省變亂人民逃入山谷賊衆屯縣城樓堞舖毀壞殆盡二十年邑侯王國脉捐貲重修咸豐八年髮寇臨城圍攻十八晝夜城西堞眼兩樓均被穴入炸塌旋修復之光緒二年南北復圯於水知縣黃崇惺修復八年北關又塌邑令趙家琦重修民國五年九月北關橋樓燬於火邑紳賴禮隆揭宗鼎等捐貲重建十一年北關又爲洪水冲破旋亦修復迨二十二年匪黨陷城據城內城樓堞舖折毀無餘現雖略事修繕尙未恢復十之一二也

衙署

縣署在廣濟街背離面坎舊爲明溪鎮巡檢司故址明成化六年改爲縣治分巡漳南道按察司僉事周謨適任其責並發漳南道贖錢與本府通判吳桓明溪驛丞孫亮督建知縣郭潤繼之成化九年落成宏治十五年九月燬知縣王鳳請於巡按監察御史陳玉分巡漳南道杜啟發上杭縣河稅銀重建改從南向嘉靖十二年知縣王恩以龍自南來面離則脫脈仍改北向四十三年燬知縣曾遷重建清康熙十九年知縣王國脈重修內計正堂三間左爲贊政廳右爲清軍局及龍亭庫後堂三間左爲庫房右爲冊房正堂前覆簷一排戒石亭在堂前甬道中亭前爲儀門東西兩廊爲六房書吏辦公地而承發房附焉牢獄一所在東廊之背儀門左右爲掖門從房二間左爲皂隸房右爲禁子房延賓館在儀門左土地祠在儀門右儀門前卽頭門有譙樓二層在頭門之上設鐘鼓司更點萬歷三十四年燬知縣顧爾志重建其後知縣周憲

章以邑多火患宜以水制之顏譙樓曰天一樓旌善亭在頭門之左申明亭在頭門之右頭門前有照牆正堂背有後衙正廳三間從屋左右各二間寢室五間萬歷三十八年周憲章於廳左隙地建一齋顏曰莞爾齋咸豐年間縣治正堂及後衙均燬於寇光緒年間官紳捐貲重建規制如前民國二十二年匪黨襲據縣城者年餘縣衙全座被毀盡淨縣府假學務公所爲辦公地點迨民國二十五年縣長劉澄清蒞任因擬重建乃呈請上峯准予撥款三千元爲基金不足則商同邑紳分頭籌募遂於二十六年一月鳩工庀材構建新式洋房全座二十七年春落成前進爲中山樓樓上爲縣府辦公廳樓下爲大禮堂後進爲中正樓樓上爲縣長及秘書寢室樓下爲田賦管理處及地籍股辦公所兩邊有廂屋爲各科人員住宅中山樓之前有兩廊左係經征處及司法處右係自衛中隊隊部兩廊前中間爲二門左右二間爲傳達室規模

頗爲宏壯民國二十八年縣長張端樵復於自衛隊之右建築縣監獄及看守所共一所此外隙地尙多現爲拋球場或菜圃

縣丞署在縣署之左萬曆八年縣丞裁署址改爲廣濟倉今廢

主簿署在縣署之右崇禎十五年主簿裁署址改爲倉房旋改爲明溪試院今廢

典史署在縣丞署之前面南坐北萬曆三十四年燬知縣顧爾志重建崇禎七年復燬知縣楊鼎甲重建民國初年典史裁署址改爲巡防隊隊部管獄員卽在馬鞭街公局辦公二十二年巡防隊隊部亦被匪黨折

毀今廢卽公局亦破壞不堪現已改爲田管處倉庫

吏廨三所一在主簿衙右計五間一在土地祠後計八間一在延賓館前計一間今廢

附錄明學士林文

莆田

所著初建歸化縣記及廣西布政使林懋舉

閩縣

人所著重建歸化縣記

林學士記云環百里為縣古之勇也縣有令

息訟皆親民之責也歸化之設分清流之歸上歸下里寧化之柳陽下

少里將樂之興善中相里沙縣之沙陽里四都之各去縣治甚遠

照素得民心委詣紫雲台吳縣會同都布按三司秦敬等以汀郡二守程

文巡按監察御史左銜而政司參政趙昌按察司副使何喬新會議具

郭潤縣丞楊燦主簿孫復與史艾清領印履赴任莅事時分巡漳南道

按察司僉事周謙適任其責督同通判馬相一水潔迴首丙趾壬

造其地覈察形勝後峯高峻前堂垣每四勢環拱一水潔迴首丙趾壬

兩筮協守李桓亦發國邑蓄蓄賊副助為創造之需至是購良材募良

匠諸石陶瓦先構縣治其南學城隍山川社稷邑屬諸壇藩司公館

工至成化九年十二月二日八日告成財出於公而用無虛費力借於

其間吳日辭治完而且美不可無城郭以環之矣都閭具疏請上又可

峻之相似其宜於民也的矣或曰四鄉之民皆昔日難治者也不宜以嚴刑
 之法治之子曰天下無不可化之民知愚賢否雖所稟所習不齊禮義
 之心可以懷強愛而恕子路以容困溫而斷可以抑奸何難之有誠能法是
 正可以懷強愛而恕子路以容困溫而斷可以抑奸何難之有誠能法是
 道以治縣則庶民中之愚戇者必化爲善之者必變又爲難治也
 之聲轉爲謳歌爭門之風變爲揖遜干戈之聲以爲禮樂又爲難治也
 哉其典教於是官是邑者深有望焉郭大令湖廣零陵人發身科第而可
 三於江右有治事有出於邑名譽不益得善而吏部之選云是爲記
 林節乎其力然後上悅豫而初無縣人無後言而事有成化七年始歸
 縣治之建是也按歸化屬汀郡初無縣人無後言而事有成化七年始歸
 於南劍津之上游而聯乎汀漳之肘腋申秋火遣於閩井間尋延縣也
 邇年寇盜煩興微兵日出人鮮甯宇歲申秋火遣於閩井間尋延縣也
 治燬焉出政無所是無泣之民可復是無此樵耶乙丑秋曾侯觀歸乃以
 然嘆曰嗟夫世離是無泣之民可復是無此樵耶乙丑秋曾侯觀歸乃以
 令衆庶也爰集諸父老告之二百八十八兩治所以庇若等非可已也第費
 耳吾搜帑金之美餘者得二八兩治所以庇若等非可已也第費
 能一十六兩復撥空役惟小民實縣焉依敢不荷春鍤以從如有轉輸
 惟力是視乃微派圖邑丁衆曰俗六十兩又告之曰昔北向尋改南
 向有仰瓦之嫌今仍北乎衆曰俗六十兩又告之曰昔北向尋改南
 其迅何異肆領也昔營建之初未暇及此夫陰陽之所聚水火之所鍾
 風氣之所乘若等休戚關焉以余臆見大門改西向之便衆復羅拜曰笑

誠福我矣是大將... 始於乙丑年十二月... 惟周公之營洛... 不用命為戚何... 下信神也及再... 傷予心也及再... 矣酒誦之學官... 會余抱病歸家... 目之所睹記而... 者為主簿陶忠... 廉舍衛宇悉新... 憲治以階操飾... 以觀... 云

察院司在城內西清街門成化十年為漳南道建作行館後改社倉久廢

遺址俗名公館坪現為雪峰中心學校體育場

布政司在兩清街明成化七年縣令郭潤建萬歷三十八年知縣周憲章

重修清康熙十八年知縣王國脈再修今廢

按察司在兩清街明正德十年知縣楊縉建萬歷四十年知縣周憲章重

建王國脈重修今廢

漳南道公館及府公館均在西清街今廢

夏陽巡檢司在縣治東北七十里歸下中和沙陽三里界中以地方僻遠

寇常竊故設司以分治之自巡檢裁缺後司廨亦廢今僅存基址

僧會司及道會司均在縣東南二十里東嶽宮中裁廢已久

隍防公署在西清街康熙二十二年知縣王國脈申詳將久已裁廢之明

溪驛舊址改建今廢僅存基址

演武場俗名教場在縣城東二里山川壇左

司法廳附設在縣署中山樓前左廡

監獄看守所設在縣署自衛隊之右民國二十八年縣長張端樵新建

街道

城內街在縣衙前俗名張厝街

廣濟街在縣衙後南門

梯雲街在城東卽東門大街

新安街在城南上四角井一帶卽南門大街

西清街在城西卽西門大街

三元街在東門外

前街在惠利橋下俗名賣樵街

後街在儒學前俗名糶米街

衙門嶺在惠利橋頭孝子坊下

儒學嶺在儒學街節孝坊下

南街嶺在孝子坊左旁

南水嶺在南溪左側

北水嶺在北溪左側

觀音閣嶺在縣前坪下

奎光嶺在東門奎光閣下又名聖者廟嶺

吳潛嶺在東城外濟川橋頭長凡十餘丈通下城坪埠上嶺中間有文昌閣是爲東關今已廢

九層壩七層壩五層壩三層壩均在城東梯雲街

衙門巷在惠利橋頂孝子坊上首由觀音亭經縣衙前直通城隍廟街今廢

新街巷在南門新安街右邊

古井巷在縣衙右邊

馬鞭巷在西門儒學街泗洲廟前

石版巷在東門迎暉閣右邊

里社巷在北門城脚下右邊直通東門大街

水嶺巷在縣城南門街下通南關溪

儒學巷在儒學街

何厝街在西門太陽橋下左邊

陳家衝在西門上半街左

蕭家衝在北門溪右邊

吳家衝在西清街古便庵右邊

陽家衝在東門外三元街右

曹家衝在東門外三元街左

墟市

明溪市在西清街爲上墟每逢三六九日午前貿易自東門外起至坪埠
崗周公祠邊爲下墟午後貿易在昔百貨萃集城鄉人民赴市者摩肩
接踵甚形熱鬧近則人口稀少市面蕭條下墟已廢每逢墟期僅在西
門上墟互市而已

docsriver 文川网
入驻商家 古籍书城

在文川网搜索古籍书城 获取更多电子书

龍湖墟在縣東北二十里龍湖鄉原爲三六九日墟期近因與明溪市相同改爲一四七日貿易

沙溪墟在縣東四十五里歸下里每逢二七日貿易

吉口墟在縣東南八十里歸下里每逢三八日貿易現該鄉劃歸三元縣

管轄

復陽墟在縣東北七十里中和里每逢五十日貿易

湖坊墟在縣南五十里歸上里每逢五十日貿易

揚地墟在縣西北四十里柳楊里每逢五十日貿易

大陂墟在縣北五十里每逢三八日貿易

芋畚墟在縣西北九十里下覺里每逢二七日貿易

繁坑墟在縣西北一百一十里下覺里每逢五十日貿易

明溪墟在縣西北一百二十里下覺里每逢二七日貿易

常坪墟在縣北四十五里常坪鄉與將樂交界每逢二七日貿易

蓋洋墟在縣西北五十里柳楊里每逢四九日貿易每歲夏歷八月二十

四日爲該處勝會各地客商駢集貿易以牛爲大宗至爲熱鬧邇來稍
遜

畫橋墟在縣西北二十五里每逢二七日貿易

五月市在城東街清康熙十八年七月七日城隍廟煨街市荒涼邑侯王

國脈捐貲重建二十年落成廟宇維新召集客商從五月初六日至十

六日止倡爲城隍勝會集貨貿易今廢

六月市在縣城西清街至東門每歲六月十一日爲惠利夫人誕辰初五

日起至十一日爲會期四方商賈輻輳貿易甚爲繁盛民國以來商業

蕭條已一落千丈

巖前市在縣東南八十里巖前鄉每歲四月八日爲會期集貨貿易該地

現劃歸三元縣管轄

陳村市在縣南六十里北亨村每歲九月九日爲會期開市貿易

橋亭

惠利橋在縣署左孝子坊下明永樂年間建成化年間縣丞羅素主簿祝齡同修用石砌成下開捲門長凡二丈餘居民貿易其上甚爲熱鬧光緒二年圯於水邑紳賴孝廉銘書捐貲重建增高捲門

南關橋在城南上建敵樓下開捲門夾龍溪水由此入城
北關橋在城北上建敵樓下開捲門夾龍溪水由此出城

白沙橋在東城外二百餘步明成化八年知縣郭潤建屢圯於水天啟三年邑人李應宿改建於舊橋之東百餘步下開四水門上溝橋屋三十

九

參看後錄邑令趙垣碑記

中建三層六角樓祀魁星於其上規模宏敞亘如長

虹爲明溪第一鎖鑰曾由李應午題曰龍門首渡因又名龍門橋復由

清進士陳汝元題橋尾門額曰傑閣千雲謝進士家樹題橋首門額曰
星橋巨漢嗣後屢圮屢修光緒癸巳年復被水冲圮是年三月經邑紳
陳興嗣黃仕繁梁達成等將橋關四門修建惟厝橋因經費不足未完
全建造迨民國二十二年春復因年久失修橋關崩塌殆盡民國三十
年十一月經邑紳葉大培黃玉崑等商請王縣長倡捐修建預計需款
十餘萬元當經分別籌募召匠建築查舊有石橋原係四水門第一二
關水門業已完全坍塌第三四關水門亦經到處損壞原議將第一二
關重行建築第三四關酌予修補嗣因第三四關亦勢將坍塌無法修
補改議將兩水門全行拆卸所有石料卽以之併築一水門另行酌補
石匠工資是原有四水門已改爲三水門矣現在石橋全部已告完成
但原有溪流係由濟川橋穿出後因水勢日漸橫衝以致墩坍橋圮現
擬將溪流改經濟川亭前使水勢直穿水門而出舊有之陂原在關外

嗣被耕戶車主私改關內現仍令其照舊改築關外至橋屋原擬興工
 建造嗣因物價飛漲所收捐款不敷支用經開會議決改築三合土以
 期鞏固

附節錄李姓族譜登載邑令趙垣所撰重建白沙橋碑記

龍門橋者城

之衝于形表為華表為捍門而雪案拱其後獅塔峙其旁東任西陌而
 水溶溶野色林光高輝四映固一邑之巨觀而駭人學士之所流連而
 嘯咏者也考閩邑之初官建白沙橋于東關三元閣之前為洪冲
 至明天啟三年邑人李應宿李茂春相度形勢改建斯地倡捐督造募
 揭額晏蕭各姓基地橫寬一丈八尺兩簷滴水各五尺五寸共成二百
 九尺實長三十丈下磊以石開水門者四上蓋以瓦長虹利濟綿延百
 年幸氏叔姪之功可謂卓矣乾隆辛未夏五月蛟水陡冲橋不沒者三
 版墩壞岸崩屋柱傾頽牽連拖塌不斲如線過者惴惴歲已卯九月朔
 集紳士于庭謀所以興是役者隨序勸捐是月二十四日召集各工欣
 諒余意量力輸金計得白金若干即于昌言于衆諸紳士各能
 然並舉又以河湫潰水不復于橋邊擺隘水陂以爲護衛先是廢先
 乃疏壅塞溶水門俾復故道復于橋邊擺隘水陂以爲護衛先是廢先
 袁增有積木石置諸無用命移作新省費一半凡三閱月而塞者
 通破者完廢者補舊者新傾者移糾者正又拆木鼎建八角樓三層
 魁星于其上用光文照橋中設祀大士改製佛座綵像裝金而全橋
 額煥然更始蓋成五若是之速也

前人之樸質創始無記載及查邑乘語焉不詳即如水門四座
叙爲五座橋屋三十九楹叙爲六十一餘刪此尚足以傳信乎哉爰于庚
辰春正搦管爲文詳加叙
述戒石開雕以資後考

濟川橋在東城外白沙橋上成化間按察司僉事命邑人吳榮瑤督建

儒學橋在北城外峨嵋書院前

觀音橋在縣城內北門溪

馬鈴橋在北城外土坊

萬春橋在東城外三里坪埠上長凡三丈餘下開捲門上蓋瓦屋因溪水
常涸俗名旱橋

東坑橋在城東八里南山東坑間係木橋

廷坊橋在城東十里廷坊上坑間係木橋

蘆隔橋在城東五里俗名羅甲橋原爲屋橋因形家言有礙風水今易石
橋不蓋屋在上坊與晏坊間

洋沙橋在城東七里南山上坊間用石砌成

广坑橋在城東三里

大通橋在城西五里俗名五里橋下開捲門上蓋瓦屋又一木橋係在五里橋王坊間

泉水洋橋在城西八里橋邊有池出泉水甚大故名

南陽橋在城北五里明成化年間葉長清捐建下開捲門上蓋瓦屋

晏公橋在城西十里新興舖明成化年間縣丞羅素主簿祝齡重建下開捲門高而且固

上坑橋在城西十里上坑

興善橋在城東北十五里下龍坑村

泗洲橋一在城東南十五里大焦李下橋上有瓦屋一在縣南四十五里葉坊村與新華坊之間

龍湖橋在縣東北二十里明成化年間知縣郭潤建橋上原有瓦屋後因於右畔建文廟影家言簷棟激射於學宮似覺有礙爰改用石甃太平橋在縣東二十里石珩村明宣德年間建

梁家橋一名雙捲橋在縣東三十里橫坵村明成化年間石珩梁姓建萬歷年間燬梁姓復建石架木上復瓦屋跨珩溪上民國初燬於野火現僅粗架木橋以通來往

揭家橋在梁家橋側明宏治年間揭趙眞建規制略同梁家橋跨瀚溪上因珩溪瀚溪二水合流此處兩橋並連故俗名雙捲橋與梁家橋同時燬於火

繼述橋在縣東三十里碧州村宏治年間揭應眞建俗名碧州橋

東溪橋在縣東六十里梓口鄉民國二十八年建

夏陽橋在縣東北七十里夏陽鄉明成化間邑人蕭忠建

清平橋在縣東南境明永樂年間清流縣樂二縣民衆同建

羅地水尾橋在城西北十五里爲羅姓所建

石溪橋在城南十五里石溪村上有瓦屋

余坊橋在縣南二十里余坊村上覆瓦屋

界背橋在縣西北一百二十里楓溪村邱金鼎子孫合建石橋有屋

道南橋在縣南五十里胡坊鄉下開捲門

大焦橋在城東南十五里大焦村泗洲橋一里

李家坊橋在縣西北一百一十里李家坊水尾民國二十七年王聘芳爲首募建

魚潭甲橋在城西十二里

畫橋在縣西北二十五里畫橋下開捲門上覆瓦屋附近鄉民逢二七墟期均在橋上貿易

城隍橋在縣西北三十里上有瓦屋年久損壞現爲伍懷生等捐貲重修
將軍橋在縣西北九十里亭畚村上流爲謀寡婦死節處

龍窟橋在縣西北一百一十里紫坑村民國三十年楊理行李煥汝邱任

衡等募建

元村橋在縣西北一百二十五里新地源村爲官姓所建石橋有屋

高洋橋在縣西北一百二十五里高洋村係徐彭二姓所建石橋有屋

楓溪橋在縣西北一百二十里楓溪鄉爲張余二姓所合建石橋

乙上木橋在縣西北一百三十里石貯村邱煥謨於民國二十八年重建

隆坑橋在縣西北一百二十里隆坑村爲吳姓所建石橋

城坊橋在縣西北一百三十里夏坊村

皇樓橋在縣西北一百三十里夏坊村

河明橋在縣西北一百三十里陳華山村

石珩橋一在縣西北一百三十里上石珩村一在縣西北一百三十里下石珩村均係石橋有屋上石珩橋爲王文高倡建

大陂橋在縣北四十里大陂村明正德十一年知縣楊縉建一名忠臣橋三溪寨橋在縣西北四十五里三溪寨石麓下開捲門

棗樹橋在縣西北十五里棗樹下象山庵脚

蓋洋橋原名東濟橋在縣西北五十里蓋洋鄉上覆瓦屋

觀音橋在縣西北五十五里蔗坑村

際下拱橋在縣西北一百八十里爲張姓所建

葉厝坑橋在城西五里葉厝坑係石建

常豐橋在縣北五十里常坪村

沙帽頂橋在縣西北六十五里沙帽頂村

歐寒塘橋在縣北七十里歐寒塘村

坂渡橋在縣西北一百二十里亭舍水尾現被水冲壞用木排渡人
亭舍橋係石橋在縣西北一百二十里爲夏姓所建

葛藤迴橋在縣西北一百三十餘里係邱煥謨於民國三十年重建

坡下山木橋在縣西北一百三十餘里係邱煥謨於民國二十八年重建
水口渡在縣西北八十里邑人夏 施田四畝藉其收入以資渡夫之費
巖前渡在縣東南八十里巖前鄉里人捐造以濟行旅現劃歸三元縣管

轄

觀音亭在縣署左

醒心亭在城西儒學後明知縣郭潤建今廢

濟川亭在東城外濟川橋頭

望城亭在城東五里揭姓建

百便亭在城東北十里邑人揭趙眞建

docsriver 文川网
入驻商家 古籍书城

在文川网搜索古籍书城 获取更多电子书

坐岐亭在城東北五里覺林堂岡又名半岡亭揭姓建

清風亭在城東北十二里龍坑境

廷坊亭在城東十里

仁壽亭在城東北十五里

東坑亭在城東十里南山大焦間

永壽亭在縣東北二十里龍湖今圯

迴門父亭在縣北十餘里離西瓜夏陽五里今圯

瑤窠亭在縣東二十里石珩梁姓建

繞青亭在縣東三十里布上

石泉亭在縣東四十二里局上

音湖亭在縣東北二十二里龍湖

永華亭在縣東北七十里杏村